

1620. 83

NOEL:

Ensemble le Pasquin
des Cheualiers.

M. DC. XX.

Case

F

39

326

1020m

THE NEWBERRY
LIBRARY

51-327

NOEL.

OR nous dites Marie,
Tous ces grands Cheualiers,
Sont-ils tous de merite,
Comme braues Guerriers.
Nanny dea ie le iure,
Cela n'est pour certains,
Ce sont gens sans figure:
Car ils sont trop mutins.

Or nous dites Marie,
Auez-vous le cœur net,
De regarder de Luyne,
Et Brante & Cadenet.
Nanny, ie suis tranſie,
Ie me plains du ſoucy,
De cette truandise
Qui regne dans Paris.

A

4
Or nous dites Marie,
Quel regret nous auons
Vous quittez nos patrie
Et Louys de Bourbon.

I'ay regret sans doutance
De voir ainsi trahir

Toute la Noble France
Par des Coyons reünis.

Or nous dites Marie,
Le Duc de Monbazon
Quitte-il la Normandie,
Y a-il trahison.

Oüy, i'en suis certaine,
Car de Luyne estoit
Trop proche de la Seine
Pour faire son deuoir.

Or nous dites Marie,
Dites la verité
Le Duc de Longueuille
Pourquoy n'a-il cité,
Peur de ce rendre inique,
Auec des faux Collons,

Qui n'ont fait que des brigues,
A trouffes de Foullons.

Or nous dites Marie,
 De tous ces Cheualliers,
 De tout leur compagnie,
 Nul n'est-il respecté,
 Rien qu'un ie vous le iure,
 Qui est du sang Royal,
 Il reçoit grande injure,
 Car il est trop loyal

Or nous dites Marie,
 Viendrez-vous à Paris,
 Pour y voir la magnie,
 De nostre Roy Louïs,
 Je n'en demeure seure,
 Mais l'on tient pour certain,
 Que feray ma demeure,
 Aux faux-bourgs S. Germain.

Or nous dites Marie,
 En estant de retour,
 Serez vous resioüye,
 Nous recognoissant celuy,
 Je verray à la face,
 Recognoissant celuy,
 Qui supporte la grace,
Demon cher fils Louïs.

P A S Q V I N.

P Aris n'apprendrez-vous pas,
Que Dieu qui voit tous icy bas,
Ne vous puisse punir encore
Comme il fit Sodome & Gomorre.

Que nous sert tant de Cheualiers,
Qui sont poltrons ou rosturiers,
Et de qui la valeur s'applique:
Seulement à branfler la picque.

Voyla ses braues champions,
Pour conduire nos bataillons,
A Conquerir le S. Sepulchre,
Si les murailles estoient de succre.

SIRE, vous serez tost vainqueur,
De la porte d'un grand Seigneur,
Pourueu qu'au son de la bouteille,
Les Bacha leur prestent l'oreille.

De cette guerre dont l'honneur,
Empesche que sur leur valeur,

La mesdisance puisse mordre,
Encor fort bien d'auoir dire ordre.

Car que dirons tous les François,
De voir quel'ordre de nos Roys,
N'a plus la raison pour Police,
Puis que la vertu à d'auarice.

Vrays Cheualiers de Mars, Noble &
Guerriers troupes,
• Curson, Cremail, Villars, Suze, la March,
la Louppe,
• Castelnaulx, Vaube-court, Nefle Beme-
ron, Houdan,
Vire, Quœuure, Requië, S. Agnan, Con-
tenan,
Neuf Bourg, Por, Canisy, vous auez plus
de gloire,
De quoy vos merite, est resté sans memoire,
Que si recognoissant tous vos actes guer-
riers,
L'on vous a mis au rang, de tant de Che-
ualiers,
Qui n'ont iamaistiré l'estoc de la cein-
ture,
Ny veu aucū cōbat, si ce n'est en peinture,

Car quel bien auriez vous, d'auoir pour
compagnons.

Trois roturiers, vn triste, vn asne, & vn
coyon.

Tresme entre ses lettres baille,
Pour preuue de son Noble sang,
Vn Tombeau de pierre de taille,
Des charnieres de S. Innocent.

Qui reçoit Dieu indignement,
Se damne volontirement,
Pensez-y donc trouppes choisies.
Pour recevoir le S. Esprit,
Plusieurs de vostre compagnie,
Ont interest à c'est escrit.

De Luyne avec ses deux freres,
Vont tost, si Dieu ny met la main,
Rendre la France en misere,
Plustost aujourd'huy que demain.

F I N.